

一年中之回顧

半樓

紀念果有意義耶。神佛之誕期。無知愚民。千百成羣。鑼鼓前導。儀仗行列。招搖過市。曰吾紀念是。藉以祈福獲財也。每逢壽誕生日。庸夫俗子。則開筵設席。大會賓朋。歡宴終日。曰吾紀念是。所以保命長生也。此二者皆無意義之紀念而紀念者也。紀念果無意義耶。則如英雄烈士。其行爲轟轟烈烈。足以造福人羣。昭垂後世。於其生死之日。吾人從而紀念之。所以表前勳後者也。國家之慶弔。其間有可歌者有可泣者。吾人又從而紀念之。足以表示愛國之心思。激發愛國之志氣。此數者皆有意義有價值而足以紀念者也。然則報館之行紀念。將視爲庸夫俗子之壽誕生日乎。抑將儕之於英雄烈士國家慶弔之列乎。則世人曾以爲報紙者。人民之喉舌矣。社會之導師矣。是報館者。小而言之。固爲壹營業機關。若大而言

之。則影響於家國社會實大。其價值之重大。責任之繁劇。固莫與倫比者。紀其過去。念其將來。有深意存焉。明乎此。則本報第七週之紀念。又烏可已。雖然。紀念本報。固壹年度者也。欲書所懷。從何說起。六年以前無論矣。試以一年言之。去年至今。時雖僅三百六十日。而自家國社會以至本報之自身。其中令人喜以笑。悲以哭者。何可勝數。偶壹回顧。悵觸萬端。略書梗概。用作吾紀念之資料焉。

去日喧傳。非所謂廿八年間。將有世界第二次大戰乎。慘受戰爭痛苦之人。無不慄然危懼。奔走呼號以求戰事之避免。差幸壹年以來。所謂限制軍備也。限制巡洋艦也。凡足爲助長戰爭之具者。皆在取締限制之列。近日所傳。凱洛氏非戰之公約。簽字者已達五十餘國。

表面以觀：天下太平。可立而待也。然而未易言也。君不見素以文明自居之日本。在山東演出亘古未有之慘劇乎。英美之海軍。正擴充不遺餘力乎。萊因河撤兵問題不能解決。在在皆有發生戰事之可能。英法海軍之協約。又大為和平之障礙。由是言之。則世界事之為樂觀為悲觀。不待智者而始知也。

去年今日。非寧漢分裂。共黨橫行之日乎。其時關心國事者。惟恐禍亂之無已。將陷國事於不可收拾。幸執政諸公。手段明敏。遂使一場風波。復歸寧靖。北伐南清。完成統一。今且裁兵之事。暫露端倪。便民之方。力求建設。凡屬中國子民。固應欣躍三百也。然而瞻懷時局。隱憂孔多。蓋左右之爭。了無已時。濟南慘案。似已不在當局心目之中。遠者勿論。即以吾人桑梓之閩粵言之。擾民莫甚於土匪。而閩南之土匪。擾民如故。害人莫甚於煙賭。

可視為樂觀者也。

由上以觀。此一年之中。樂觀之事恆少。而悲觀。事恆多。值此紀念慶辰。實不知其為喜為悲。為啼為笑也。而一年以之。本報。則更有令人慘然寡歡者。事實未遠。讀者當不至健忘。余又何必一一提起。使亂人意。夫報館天職。在於指導社會。矯正社會。而萬不容玩弄社會。逢迎社會。故同人等。以大公至正之態度。發其良心之主張。所謂是者是之。非者非之。本報持此態度。以與僑胞相見者。蓋亦有年矣。豈知忠言逆耳。直言多為人所不諒。偶有質直之言。逆鱗之語。則反對者。必多方吹毛求疵。深文周內。攻擊破壞。無所不用其極。充其量。不使本報生命摧折不止。夫當此是非混淆之時。以同人之鯁介成性。橫逆之來。早已在預算之中。然在此驚濤駭浪之中。風雨飄搖之候。本報將隨波以逐流乎。抑將排萬惡。

而粵東之烟賭更敢開禁。吾人側耳遠聽。惟聞內地民衆。一片呼號慘怛之聲。或則寡其妻。或則孤其子。或則衣衫莫給。或則顛連無依。而政府之所措施。鮮聞有及之者。發於政令。不曰禁止青年運動。則曰禁止男女同校。不曰恢復舊道德。則曰全國祀孔。此種種。皆出自革命政府之所為。淺見如吾輩。固難測其高深者也。

若夫遠適異域之華僑。感潮流之推蕩。刺激較多。愛國愛鄉之念。實與時而俱進。觀於濟案發生後。捐資抵制之舉。到處實行。毅力堅持。日人胆落。今則百尺竿頭。再進一步。有組織國貨展覽會者。有組織國貨銀行者。有組織國貨公司者。其一種蓬蓬勃勃之氣象。實增吾人無限之樂觀。然自商情方面言之。樹膠之限制。錫價之慘落。以及土產生意之虧折。在在皆足以陷華僑之經濟於危險地位。此又未

犯萬難。奮起而直追乎。語曰。生於憂患。死於安樂。丁此時會。吾人惟有堅定其志氣。磨練其身心。當以悲觀而求其樂觀。斷無因悲觀而入於失望。陷於絕望。對本報作如是觀。對家國社會以及世界。亦作如是觀。區區此志。願共勉焉。

